



KEMENTERIAN PERTANIAN DAN KETERJAMINAN MAKANAN

Ministry of Agriculture and Food Security

Wisma Tani

No 28, Persiaran Perdana, Presint 4

Pusat Pentadbiran Kerajaan Persekutuan
62624 PUTRAJAYA,
MALAYSIA

No. Telefon : 03-8000 8000
No. Faks : 03-8888 6020
Laman Web : www.kpkm.gov.my

SIARAN MEDIA

TINDAKAN DIGANTUNG LESEN JIKA PENGETUA, PEMBORONG DAN PERUNCIT TIDAK MEMATUHI AKTA KAWALAN PADI DAN BERAS 1994 (AKTA 522)

PUTRAJAYA, 24 Ogos 2023 - Kementerian Pertanian dan Keterjaminan Makanan (KPBM) memandang serius akan perihal isu-isu berbangkit mengenai harga dan juga bekalan benih padi sah di dalam pasaran. Bekalan benih padi sah hanya dikeluarkan oleh pengeluar benih padi sah yang dilantik oleh Kerajaan. Ianya mempunyai mekanisma kawalan ke atas pengeluaran dan pemasaran benih padi sah sepertimana yang telah termaktub di dalam **Perintah Tetap Ketua Pengarah Kawalselia Padi dan Beras Bilangan 1/2021: Kawalan Kerajaan Ke Atas Pengeluaran Dan Pemasaran Benih berkuatkuasa 11 November 2021.**

Pengeluar atau pemborong hendaklah memastikan penjualan benih padi sah **tidak melebihi daripada kuota** yang telah diberikan dan **harga yang dijual kepada peruncit tidak melebihi harga maksimum** yang telah ditetapkan iaitu RM31 per kampit 20kg jualan benih di pintu kilang manakala harga maksimum RM32 per kampit 20kg termasuk pengangkutan. Bagi jualan benih padi sah pada peringkat runcit kepada pesawahan hendaklah dijual tidak melebihi harga maksimum iaitu RM35 per kampit 20kg.

Kegagalan untuk melaksanakan arahan ini dan mematuhi Akta Kawalan Padi dan Beras 1994 [Akta 522], Kementerian melalui kuasa Ketua Pengarah Kawalselia Padi dan Beras berhak untuk membatalkan atau menggantung setiap lesen yang telah dikeluarkan.

Sebarang maklumat atau aduan berhubung isu berbangkit mengenai harga dan juga bekalan benih padi sah di pasaran, sila kemukakan aduan secara rasmi bersama butiran dan maklumat yang lengkap melalui saluran berikut:

- Kawalselia Padi dan Beras (KPB),
Kementerian Pertanian dan Keterjaminan Makanan (KPBM)
i. Portal Aduan KPB : <https://skpb.kpkm.gov.my/adu>
ii. E-mel Rasmi (aduankpb@kpkm.gov.my)
iii. Hotline Ibu Pejabat KPB Putrajaya : 03-88701751/1748/1183